

# Radøy kommune

## Saksframlegg

Saknr	Utval	Type	Dato
061/2015	Kommunestyret i Radøy	PS	10.12.2015

Sakshandsamar	Arkivsaknr.:	Dokumentnr.:
	14/3045	15/14407

### Forvaltningsrevisjon NAV Radøy

#### Saksopplysingar:

Nordhordland Revisjon IKS har gjennomført forvaltningsrevisjons-prosjektet "NAV - Ressursbruk og rutinar for oppfølging av mottakarar av sosial stønad i Radøy kommune". Prosjektet er utført på bakgrunn av bestilling frå kontrollutvalet i møte 30.09.2014, sak 29/14.

*Problemstillingane som vart lagt til grunn i forvaltningsrevisjonen var følgjande:*

1. Korleis er ressursbruken i NAV Radøy samanlikna med eit utval andre kommunar og korleis er ressursane fordelt i høve til tenester og oppgåver som følgjer av formålet med lova?
2. Har NAV Radøy eit system for å sikra oppfølging av langtidsmottakarar av økonomisk sosialhjelp?

I rapporten peikar Revisjonen på at «ressursfordelinga er lite hensiktsmessig i forhold til å sikra formålet med lova» (s. 3, samandrag):

*- NAV Radøy har lågare bemanning enn gjennomsnittet i samanlikninga, samstundes som det er dette kontoret som har flest stønadsmottakarar pr. sakshandsamar.*

*- Nærare 80% av driftsutgiftene er nytta til økonomisk sosialhjelp, medan i underkant av 20% av driftsutgiftene er nytta til førebyggjande og rehabiliterande tiltak.*

*- Systemet sikrar ikkje at kartlagd informasjon og vurderingar av bistandsbehovet og omfanget av dette, vert dokumentert. Systemet har eit sterkt fokus på arbeidsretta tiltak, medan fokuset på sosialfaglege tiltak er svakare.*

*- Systemet sikrar ikkje at det vert gjeve informasjon om individuell plan til stønadsmottakarar med behov for langvarig og koordinerte tenester, og såleis ikkje at individuelle planar vert utarbeidd for stønadsmottakarar som kan ha ønskje og behov for tenesta*

#### I rapporten er det følgjande tilrådingar:

- NAV Radøy bør utarbeida rapporteringsrutinar som sikrar tilstrekkeleg og presis styringsinformasjon om ressursbruken og ressursbehovet i sosialtenesta, og rapportera styringsinformasjon til kommuneleiinga.
- NAV Radøy bør vurdere kva som er ei hensiktsmessig ressursfordeling i NAV Radøy, og sikrar at ressursar vert fordelte i tråd med denne vurderinga.
- NAV Radøy bør sikra at rutinar for å kartlegga og vurdere stønadsmottakar sine behov, sikra at det vert tatt stilling til om bistandsbehovet er midlertidig eller langvarig, og at

*tenestetilbodet vert tilpassa dette.*

- NAV Radøy bør kartlegga kva bistandsbehov som er blant langtidsmottakarane, og vurderer kva tiltak som er relevante og aktuelle å ta i bruk i sosialtenesta.
- NAV Radøy bør sikra at vilkår som vert brukt er knytt opp til stønadsmottakar sitt stønadsbehov for å klara overgangen til arbeid og sosial inkludering.
- NAV Radøy bør utarbeida skriftlege rutinar for oppfølging av vilkår som er sett i vedtak om tildeling av økonomisk sosialhjelp. NAV Radøy bør utarbeida rutinar som sikrar at det vert gjeve informasjon om individuell plan til stønadsmottakarar med behov for langvarige og koordinerte tenester.

#### **Kontrollutvalet gjorde følgjande vedtak:**

Kontrollutvalet sluttar seg til revisjonen sine konklusjonar og tilrådingar. Kontrollutvalet ber om at rådmann kjem med tilbakemelding til kommunestyret innan juni 2016 av administrasjonen si oppfølging av rapporten.

#### **Kontrollutvalet sitt framlegg til vedtak i kommunestyret:**

Kommunestyret sluttar seg til revisjonen sine konklusjonar og tilrådingar. Kontrollutvalet ber om at rådmann kjem med tilbakemelding til kommunestyret innan juni 2016 av administrasjonen si oppfølging av rapporten.

#### **Kommunestyret i Radøy - 061/2015**

##### **KS - handsaming:**

Revisjonssjef Reidar Bjørsvik og forvaltningsrevisor Randi Rykkje orienterte grundig om forvaltningsrapporten og svara på spørsmål.

Kommunestyret vedtok samrøystes Kontrollutvalet sitt framlegg til vedtak.

##### **KS - vedtak:**

Kommunestyret sluttar seg til revisjonen sine konklusjonar og tilrådingar. Kontrollutvalet ber om at rådmann kjem med tilbakemelding til kommunestyret innan juni 2016 av administrasjonen si oppfølging av rapporten.

##### **Vedlegg:**

Forvaltningsrapport NAV Ressursbruk og rutinar for oppfølging av mottakarar av sosial stønad i Radøy kommune  
Særutskrift kontrollutvalet Radøy